

無不宜齋未定稿

無不宜齋未定稿

卷二

柳德洋供奉給假歸養

親在不遠游我讀孔論早胡復千里行日惟志揚表斯  
言豈云謬貽誤迺非小白雲起蓬蓬華年過草草承觴  
樂已虧捧檄音仍杳我心何憤憤七載懣方了達哉河  
東子首觸尾隨掉行瞻青雲遙坐念白髮老陳情師李  
密遺羹淑穎考家庭百善本純行如君少況能激我心  
爲我樹前薰蘭咳氣味同那得不傾倒明將戒行李接  
翅首風鳥

庭樹著花寥寥數朵詩示同寓諸子

無不宜  
入門纔見影婆娑預擬花前一醉歌尚值今宵堪自慰  
漫嫌春色太無多茅垣頓覺除寒陋塵眼須教暫刮磨  
待得明年開爛熳不知踪蹟又如何

題吳東壁梅屋勘經圖

離騷忘却梅姑第勿深議皇皇甲庫書梅花並遺置焦  
氏亦有言折枝及零蒂易理僅旁叅未足補爻繫書詩  
禮春秋時或見一二和羹商鼎用標期召南識加籩桃  
並掌作胄李同記言梅但言實言花則猶未幽芳詎無  
取乃爲聖賢棄先生擁遺經小屋擅清閼屋內萬編齊  
屋外萬花萃疎影立亭亭寒夜伴無寐研朱事勘點草  
木不遺細將何作解嘲令彼聲價貴吾聞梅與杏轉變

由地氣

梅至北方則變而成杏故北人無識梅者捫蝨新語云

櫟橘不踰淮斯理乃一致

先王辨九州荆揚畫南至庾嶺羅浮山版籍不曾隸蠻鄉烟雪深寂寞語生翠孤花自開落驛使無從寄嘉實載羣經恐亦異族類爾雅釋梅三曰枏英與檠一一考名狀皆非今所謂總之古聖賢多在江北地南枝未經見遺却直閒事斯言雖淺近或可析疑義

歸計既成寫懷

出門多蹭蹬回首獨嗟歛世路同今古予心覺是非悲生元錫鏡計在綠蓑衣塵髻雖如此抽身道未違

甲乙從頭數羈縻四十周

離家來凡閱日四十甲子

悲歌習燕趙愧色

驗金裘壯歲艱難識清名倔彊畱誰教成大錯欲怨渺

無由

捧檄從前志輕豪未細論窮愁堅信命疾痛遠呼親刻  
鵠寧容拙供藜漫厭貧到家問何有賺得兩鞦塵

涿州詠懷古蹟

勁氣稟幽燕開天皇用武至今畫竿旗肅肅捲沙雨  
涿鹿城

寥寥清徽音遠隨流水去潔齋尚可期赤鯉想同踞  
高祠

美人歌以泣酒盡壯心死空負樊將軍荆卿亦豎子  
華陽臺

樓桑尚有村桑乾復有河滄桑未變易聞絕採桑歌  
樓

桑村

元魏酈道元村名千古在吾何北首路桑梓白雲外  
酈村

竇羣五兄弟清辭珠貫串老子真癡頑科名特誇羨  
寶禹鈞墓

鄭州旅舍見吳山女史翠娟題壁

吳山女史題詩處生長明妃舊日村馬上琵琶牆上字  
一般哀怨向誰論

苦水舖

回鶻居無次神仙過亦傷  
明詩綜諺苦水舖神仙過畱簡布土風仍惡劣客

子戒周防棧舍傾愚酒烟餐燂大羊  
吏禁宰牛俗作度語爲大羊此生那

可慣貧好在家鄉

在平旅次

旦發津期河暮向在平宿蕭蕭白楊風土玷冷寒粥入  
門呼鹽盆塵沙困耳目墮體折足床孤燈照反復蓬纓  
蝨猥流爬搔無恕肉妖狐踏竹門疲馬嘶檻屋披衣待  
明發月色淡西陸僕夫爾何方草中自齕熟

東阿道上有新碑曰西楚霸王墓學博張昉初  
題詩碑陰和韵三首

入關南面已稱孤衣錦行鄉異故吾學術信成天下敵  
史書猶嘆古來無焚秦未便懷畱志釋沛何曾損壯圖  
一自鴻溝分界後退齋強敵訝非夫

路失陰陵勢已孤，仰天空自嘆亡吾羣。從赤帝重圍合，  
長棄烏騅一騎無。七十戰經嗟北逐，八千軍喪恥東圖。  
如何兵法精形勢，見給江濱老穉夫。  
漢藝文志兵形勢十  
一家有項王一篇

百尺塵埋壯氣孤，千年碧血蝕昆吾。長陵亦罷四時獻，  
漢業同歸寸土無。楚些有歌臯未復，虞兮非草蔓誰圖。  
空山風雨深秋夜，奔突如驅十萬夫。

### 嶧山

山何擅嶧名，石子累相屬。補天殘片女，媧拋碎空折。柱  
共工觸，千九萬礮聚。成峯骨立巘，屹絕土肉落。星到地  
勢猶飛，鯁角羣羊叱不歸。五丁日夜動鞭擊，漸與岱嶽  
爭嵯巍。岱嶽天下尊，齊魯青不止。長河橫斷復孤騫，一



脈重看此山起遙遙共走中條龍不期仰止推前峯却  
立何妨任其亞統率堆阜朝真宗神山恍惚不可詰退  
置海外何敢從扶輿位設固非偶不見微言逢折剖巖  
巖氣象嶧山鍾薪傳獨繼東山叟

曲梁待聞

延頸空勞堠鷺迎橫梁咫尺渺難行客心不及南流水  
卧聽終宵下閘聲

桃源

聽茲名字好撫棹若爲情市倚半湖水隄遮一面城高  
艘平瓦過連筏帶沙撐無用尋溪入荒蘆接遠程

漂母祠

蕭滕初未識先得婦人知一盞王孫飯千秋漂母祠王  
孫仍可憐血向鐘室濺始終一婦人畢此英雄傳

瓜步放舟沿眺金焦諸山

片片風帆引暮晴暗潮初落鏡光平低舷近逼鼉鼉宅  
急艣爭喧鸛鷺聲波帶鷗眠流浩蕩山憑龍負出枝撐  
江天好在誰棲隱千載惟傳漢姓名

楓橋晚泊

壞塢遠燈明寂寥鐘未杵獨吟張繼詩待証歐陽語

夜半非  
鳴鐘時

鶯脰湖

泊宅邨中客陂門里下人相依爲老伴得計可終身碧

浪驅言鴨紅燈網鱸鱗底須愁鐵面平地亦驚神

湖有風波之險

俗謂之驚鐵面

### 抵家喜新居落成

載望衡茅喜氣加入門誤走笑哇哇不知井竈成新客  
不作堂基仗阿耶流水小橋詩世界青桑綠竹隱生涯  
招攜兄弟沿邨看老屋離來有幾家

### 過臨平安隱寺觀安平寶幢刻文

并序

唐大中十四年正月建宋天禧二年六月紹興三十  
年五月二次重修二級以上周鑄陀羅尼經吳郡陸  
弘正書初級題識歲月及建幢因緣列施主姓名百  
餘

扁舟漾夷猶麥風代槳力掠帆古寺下借便事游陟入

門泉鏡寒乍使海眼識髯蘇碑不存摹手陋且劣

東坡題安平泉

詩鑿開海眼知何代種出菱花不計年舊有手書石刻今亡明末沈一先別摹勒石石幢規制雄龍柱唐所植

龍柱見刻文神功載扶樹初願著深刻草草歲月存信史較訛

忒豈是桃源民不知魏晉國

按史大中止十三年明年改元咸通

瑣細輸錢幣

殷勤乞庇翊老五四三孃一一小名勒

題名以宗慶首其孫男曰老五孫女曰四三孃

辭質可勝文照眼增古色氈椎卒莫供僧房喚筆墨繞

讀三匝過傳抄一紙得懷哉仙李枝世運幾興革石鑿

駝峯摧草薺鼎湖塞

蔡京輩父臨平山及京敗或謂此爲駝飲海勢行下本路鑿破之詳癸辛雜志鼎湖卽臨平湖自唐

以來多被侵作田蕩此獨未傾移卓立七級直流連晷屢移松林黯

然黑回舟煮新泉白月吐山肋

沙河隄晚眺

近看惟水遠成烟烟氣空濛上薄天一線巧將霞氣劃  
天工不許水粘連

聚飲蘭陵書屋

傾杯豈必定醇醲開筵何用盡珍美吾家市遠急難謀  
此日熱奇渴欲死石橋東邊懸稻穰生酒新筍白如水  
懦性頗與炎蒸宜入口瓊漿寒沁齒舊年兒子養花雞  
昨日鄰家殺肥豕水莊偶問得魚蝦園父相謀摘瓜李  
主賓一笑坐團圞誓醉如泥呼不起解衣脫帽未猜嫌  
戰拇藏鉤各隨喜池中碧筍可代蓋樹上清蟬還韻耳  
几簞雖污君莫笑餅壘不罄吾何耻七賢八達莫依稀

圖醉堯民母乃是

金江聲觀察杭堇浦翰林招入南屏詩社四韻

代答

西笑徒餘樂事聞荒樓遙隔一程雲更多俗務不稱意  
定少清詞難報君曾許入林忘齒算敢因乏酒皺眉紋  
襟情濩落能垂惜放鯉時兼赤玉文

宿萬松嶺

山游蹇衛疲日夕駐南嶺花堂一榻借塵局萬慮屏飛  
蚊繞鬢鳴已寐復微憬檐風挾巨響吹送毛髮冷常嫌  
嶺上松摧殘移昔景何來卷壑聲夜半矜豪猛旁徨起  
攬衣海月懸金餅寂寂寒林疎遙江走潮影

夢兒亭懷古

空亭儼展靈鷲羽名傳夢謝厥事古錢唐山人杜明浦  
夜夢童子慧而嫵是夕靈運誕初乳啗吮未辨失廼怙  
攜來杜氏資鞠撫淹留倏忽年十五一帆東渡旋故土  
亭遺客兒名所取不信更閱蓮花塢翻經臺荒存柱礎  
詳察厥事理或迂信史闕如人莫補劉生異苑特覩縷  
亭闌摧剥幾風雨客兒去後誰其主

揚嘉橋望臯亭山積雪

山頭雪霽挑鬟列水際人閑負手行銀島玉樓何處是  
里門未出足幽情

惜他粉筆渲彈處尚隔平疇十里偏專待雪消春水長

流雲一直到橋邊

汪西顥苔花老屋分韻

轉覺書廬古階苔疊似錢屐香新雨後簾綠晚晴天潘  
岳鬢難並江淹賦獨傳借令沽酒得我輩更陶然

春日閑居

落落難逢舊酒人情知春好且孤春階前蝴蝶不相識  
闖到居然入幕賓

草塘辨利院觀宋刻石幢

苔痕鏽澀青入骨高不抵身冒一櫪周遭七面蛟鼉文  
皇宋淳熙識年月當時白雁東南來空王舊宅飛劫灰  
斯幢未置藥叉守胡獨不充磨刀材惟物伏現盡如此



周鼎曾聞淪泗水  
葑須羃歷蛤聲荒  
二百餘年溷泥滓  
幽奇欲動歎白毫  
夜深光燭檀林高  
村鄰貽愕元珠出  
泯沒爭學淘驚淘  
确然捫著重不舉  
百夫合力挽邪許  
出水陵陵頑石頭  
相顧胡盧散如雨  
天台老宿飛錫臨  
對此寶重齊球琳  
再湔再祓認書勢  
証是前朝獅子林  
旣新法席掃墓磷  
迎幢便作三門鎮  
自明隆慶迄今  
茲屹立禪階山骨  
峻不見南朝梵剎  
如排籤時移幾復  
畱緗縑賢師訥師  
托不朽載乘堪補  
咸淳潛辨利建置因緣  
惟咸淳臨安志  
須論筆畫好濡越  
紙揭登登藏待他  
年續金石

安雅軒牡丹盛開集同人用鼂無咎次李秬牡

丹韻

露房昨夜探春回轉荷東風次第催三月逡巡花事過  
一叢繁艷火前開稱詩並擬瑤臺種按譜應呼錦被堆  
自覺衰顏難強對借紅頻喚酒杯來

採桑作俳體

立夏三日開園起桑間擔出如流水明星未落天色蒼  
亞旅相呼走坊里東家葉好臨安青

桑名見  
放翁詩

片片滑潤琉

璃形金梯凌空四三丈剪刀錯落聞青冥綠雲卷風地  
半白速祿颯拉手腕迫露水淋漓夾甚拋鴉鳩驚起聲  
格磔東園採罷西園來長筐大簿淋尖堆舉頭看日日  
欲午蠶饑葉萎心交催下梯束擔勢何捷壓上驛肩去

劫劫空林闐寂頓如秋獨看兒童拾泥葉

余出新意爲羹命曰逡巡羹止用葵蒲葱韭諸  
菹諒投鹽醋以沸水淪之而已貧厨客至咄嗟  
可辦紀詩以廣其法

鹽豉無勞翠釜烹越甌香點井華清嘉名間竊逡巡酒  
俗味全除汨董羹

### 東郊晚行

秋容愛夕佳信步越畦畛荒逕少人踪屈曲辨修蚓微  
風來前林楸葉紛以隕高天氣象嚴雲色釀寒緊眠情  
適沙鷗過影疾霜隼度險橋堦危穿幽竹蹊盡閑勞亦  
何爲遠被風物引

橫空縱我眼列岫展天末青蒼一幅披秀色不可割中  
有度世人光景坐超忽還欲招之遊山心話饑渴白雲  
來悠然高鴻向空沒

好景不肯常况茲桑榆促村厨爆濕薪烟帛起純束一  
暝萬形齊何由著閑矚巢禽戢動羽途人斷歸躅清豪  
振涼蜚健語共相勗郊路熟可循林黑誤已數賴有流  
螢飛高下閃古綠荒涼興未摧寂靜意偏屬心鏡終澄  
明行吟多所觸

銀輪轉無聲突自林端推沓來清影衆我影亦同來萬  
象復我有眼爲今日開落落秋勢迴納納天宇恢溪光  
曳遙帛岫色堆寒灰詩肩聳千尺與月相徘徊

寒淺未成霜  
灩灩露如瀉  
芒鞋草間行  
沾漉及兩踝  
到家近猶疑  
喬木認里舍  
鄰機悄已停  
吠犬驀籬罅  
茅叢何處光  
破壁一燈射  
婦功懷土風  
寸晷惜無暇  
向來安眠中  
妙景虛夜夜

陪金江聲遊報國院池上

梵舍畱人眼  
澄泓洗鉢池  
風濶秋寸寸  
霜葉雨時時  
曠意不在野  
幽情合有詩  
撚髭頻倚樹  
心跡白鷗知

看影戲

雲窻縹緲是耶非  
月窟光明舞羽衣  
炫彩應貽羊鄴誚  
釀金共向馬頭祈  
社傳繪革流風遠  
周密武林舊事曰戲各有社名影戲曰繪革社  
臺羃生綃膩燭輝  
三尺生綃作戲臺僧惠明咏影戲句見夷堅志  
爭說技高同五賈  
村梢

一夜看場園

賈震賈堆賈儀賈佑賈  
偉皆南宋時善影戲者

鬲泥

浮綠破春渚，鬲郎橫輕舫。雙竹利升降，刺水不藉篙。彎  
環俯腰脊，對影勤搜撈。塗泥不可辱，意氣中流豪。船頭  
下力猛，掀立船尾高。葑茭苦逼抑，滾滾吐浮泡。一舉水  
花擁，淋漓瀉濃醪。本無羨魚志，偶獲隨逢遭。芳津數來  
往，興劇洶驚洶。舡沉低過水，恬不愁侵撓。徐移傍淺浦，  
置囟改所操。長杓仰空抒，歷亂翻渾濤。濤得心隨手，應撥  
撥響林皋。桑畦適土性，沃若陰雨膏。糞種昔未詳，美利  
遺空濠。愚農解發覆，坐擁登田毛。川渠慎蓄泄，不假疏  
濬勞。民功快兩濟，挾策慙吾曹。

題水月老人故居

并序

老人姓孫名文字文石號水月明之會稽諸生國  
初隱杭艮山門外榜所居曰梅園問其年長稱九十  
人有所與一介不取言論娓娓不倦少拂意終日無  
一言間爲長短歌詞落落自喜冠服多不從世法老  
而禿人以僧呼之老人笑曰我國牛馬任呼耳瀋陽  
范忠貞公撫浙太夫人謂曰昔年有一水月老人對  
汝祖言爾孫當撫浙我及見之今其言驗矣忠貞物  
色得之屏騶往謁爲築石徑於其門外曰百步塘自  
爲記刻石時西溪虎患忠貞偶問及之老人曰山頭  
大蟲任打門內大蟲休惹逮忠貞遷閩督老人囑別

曰耳邊火發時須有主意人皆不喻其意忠貞旣赴  
聞以不屈耿逆死始知門內蟲聞也耳邊火耿也羣  
以老人能前知爭謁焉老人厭之復避之他不知所  
終梅園後爲僧徒居改名水月庵肖老人若僧象奉  
之庵中塋其衣冠於庵之北王阮亭池北偶談徐方  
虎見聞錄俱載老人事稱之爲僧蓋亦據所傳聞耳  
近來庵復爲道士居言老人乃仙者余居去庵近者  
老猶及見之所聞得其實故詳著之於此

耳邊蒿火發門內大蟲蹲抗節眞無朽知幾亦有神式  
廬遺石徑題碣護苔茵讎識吾姑置交游信絕塵

踪蹟初無定相遭水月痕馬牛生任喚釋老死爭援名

無不宜齋藁

卷三

三



未隨身隱風堪敵齒尊祇宜高士傳畱載此邱園

閏三月三日羣公約修禊事湖上雨阻不赴效

賦四言

芳辰有再良會可繼雲連陰岡興雨澎湃湔塵濯烟萬  
暈齊禊杜門永懷高興遐寄

東郊地偏鄉俗異於他所隸其俗事得二十首

騎吹西來巷陌喧扶犁官府出青門龐眉野老初觀禮  
十日燈前話子孫

雍正四年慶春門外築先農壇置藉田仲春亥日六吏率其屬行九推盡墾之禮

桑蕾新萌蠅子稀河泥頻甬土膏肥九江舟販魚秧至

五堰人驅鴨陳歸

蠅似蠶食桑而桑敗滅其子則免蠶近水田圃取河底泥以糞村人年年往九江取魚苗五堰瀕江斥鹵地居

人多以養

鴨爲業

上甲初逢禱祀誠和資強擬日辰名習訛正恐貽優笑

餠子生同餅子生

清明前甲子日村人浸米粉作六十餠子祀土神以祈禱霏雪錄載宋優餠子餅子皆生之語茲承其說

糞種分詳九土皆不妨到彥作生涯擔聲軋軋成羣出

陳學昏鴉一字排

南史到彥之初以糞自給

橫塘春水熨如繒檐齒高低簇繡層一帶桃花半山路

豐華不負小金陵

東郊有半山橫塘皆與金陵地名同橫塘民居頗饒裕人呼小金陵

梓花香散雨淒淒土鴨喧呼稻簇畦溝脊邨師頻指說

今年池水又平隄

梓樹花落時多雨名梓花雨蛙之鳴色者聲似鴨俗稱土鴨青鳥家言杭州湖水平隄出狀元東郊諺云池水

秀才平隄出

忙功價直倍蠶時澆飯頻需酒一甌夜捉眠頭添小食

杭皮鹹子透花飴

蠶家呼四月爲忙月顧質倍其直日餉四餐佐以酒蠶已眠一一急措之燥處呼爲捉眠頭

雕盤露朵摘成堆喚賣聲催曉鏡開別有蟾蜍蘭燭蛹

也隨香菜入街來

蕪菜蠶蛹東郊人率擔入城喚賣郭璞爾雅注蟾蜍蘭可燭蠶蛹

剔取靈芝宿潤含鴉頭鉏荷翠都籃分明采藥圖難畫

絕筆邨中戴靜菴

繭橋地多種藥草明盡士戴進號靜菴居繭橋相婆街

梅子黃酸杏顆肥桃尖紅渥李青衣甘整五月行人飽

似向羅浮頂上歸

甘整邨多果樹熟時不禁人噉陸賈行紀云羅浮山頂楊梅山桃人登採拾止得於上飽噉不得持下茲地亦然

夏秋不怕久長晴鹵脈餘滋入夜生眼見龜紋河底圻

紫茄白苺尚縱橫

東郊有夜潮地入夜滋潤耐久旱然不可多得尋丈間土性頗異

乃淘曾是土音操掉舌翻嫌客戶喬若道繭橋官話陋

行都畱載娜兒橋

東郊語與城中迥別至繭橋則愈村嘲者稱繭橋官話效城中語者反謂之喬聲咸淳臨安志繭橋旁有張娜

兒橋東郊呼女兒  
爲娜兒當時已然

不藉燕支拂鬢紗西風吹綻碧蟬花儂家赤岸邨邊住

曉擘牽離染翠霞

石竹一名碧蟬花赤岸邨人秋取花汁作藍綿亦名藍燕支畫家用以染點及彩羊皮燈臺離蘭幕也見劉熙

名釋

勞勤煮罷折腰菱夜作高挑嵌壁燈六柱簾輪纖手轉

聲聲勺比擊魚僧

諺云喫老菱夜作典雙收絲之器見揚子方言

比合長綸動絞車十弓地拓並開廬祇聞柿蒂綾裝句

不見霞光線入書

東郊五里開糾線爲業者十室而九天下仰其用志乘闕未載也

皂衣旁午下鄉行邨犬狺狺未識卿四十七畸江患里

官糧改折白銀輕

臨江安仁等鄉苦江潮患每秋歉收明嘉靖時鄉官胡端敏公疏請於朝改徵糧爲折銀凡四十七里半著爲

令

孩兒鯉嫩釣盈筐童子魚鮮一尺長好認金獅沽玉醴

更來白石買黃羊

彭家步出孩兒鯉竿釣得之魚盈尺者俗呼童子魚金獅子街賣無麴酒白石廟前羊脯有名

水落池塘獺趁魚荻花標動晚風徐蒨胡更作蘭陵面

敗笠殘蓑態儼如

池中立荻竹戴笠被蓑笠如人形以禁獺

藝薹春暖綠抽心綿菓香蒿次第尋不及紫花來服美

繭橋傳有紫園參

藝薹子可榨油春種最廣採嫩薹爲茹名薹心菓俗稱來服爲繭橋人參

水邨多半繞漁汀直隸彎兜逐地形例比冉溪齊帶姓

別無名目載圖經

邨居近水地直者曰隸曲者曰兜張姓居之卽名張家隸李姓居之卽名李家兜

### 學東坡體賦水車

翻連一串牟尼珠淋漓百翼屏水鵲天公無權旱不得  
波生陸地田苗蘇田翁拍手爲予說今年嬾龍嬾更絕

昨聞帝怒亟深山蛻骨民間償怨缺

水車一名龍骨車

### 活竹籬

入山斫貓頭畫地編鹿眼雖然得籬護稍覺生趣短鄰翁善取材活竹代縮版遮迺度高低延袤逐陂坦和株捆涼葉倒地裂柔篴貫織比經緯披敷約稍稗簞借白木支簷用紫藤綰亞以小屏開表或老樹椀無事斤與削徒手可結撰蛟龍體蟠蚪鸞孔翼排纂玲瓏翠羽屏潤澤青油繖圓規方擬矩繩直平似板狂鞭自靈活密篠仍敷衍繼歲疊增高逢春隙能滿味復供盤飧功堪衛池館禽蟲安故棲烟月畱清款評跋凡百植此君最蕭散人情尚工巧物用隨宛轉籬槿誠齋吟棚菊石湖

選兼此活竹籬全真見亦罕

詠烘青豆

僧房采采扱衣兜褪盡毛衣綠玉柔小漉恬鹽撈翠金  
旋添蘊火焙香篝薦同花脯清芬合較勝梅諸活色畱  
孰笑邨家茶料少一杓分撮付瓷甌

揚嘉橋讀崇禎三年題名石

鴛梁水落魚衣枯礪礪斑駁排擣蒲尺方片石平似砥  
刻痕隱見蟲脚麤我聞樞衣涉水視那計兩脚霑泥塗  
張唇畫肚誦不出黯淡一面雲烟鋪急呼水洗復苔剔  
垢滓落盡分形模休嘉揚挖名所錫俗稱楊家橋敗壞修  
妮工爰趨刻紀是年重建工成勒石語簡畧粗記姓字堇昆孥東

郊風俗百事陋譜錄十姓九姓無思陵運逢陽九厄烽  
烟處處驚荏蒲六親九屬不暇顧猝棄井里東西道後  
來保聚口耳隔父祖名諱悲糲糊鄉中赫奕數舊姓趙  
周宋陸金王胡摩挲此石一一在得緣枝葉求根株予  
家高曾首義役獨冠羣輩標前牖其間翟氏名列九向  
未盡見宗支圖拈豪伸札恭自錄重此一字逾一珠里  
中父老共走看夕陽人影攢菰蘆某賢某孝某才傑先  
耆雜事交陳敷或言此橋少迤北更有石刻埋荒蕪

稻藉藉床卧吟一絕

交尾勺鋪似屋苦黃雲窩卧睡鄉甜祇知功到充饑盡  
不道驅寒德又兼



題半舫齋

瀟灑重茅屋依稀兩板船  
苔侵波在陸雁過櫓搖天  
身世嗟萍泛江湖占地偏  
憑教風浪惡突兀眼中傳

走馬塘春行

路旁花柳更誰栽舊路無人走  
馬來茅屋竹籬畱眼處

野桃還臘數株開

咸淳臨安志走馬塘舊栽花柳號城東新路

沈椒園侍御巡漕山左建杜文貞公祠於南池

畔馳札索詩

任城城南水汙汙汀蒲織魚柳  
鳴蜚杜陵陳跡劇蒼涼  
好事無人勤剔刷繡衣使者賦  
東征龍節高擎轉禾秸  
平生稷卨心事同詩名正復相  
摩戛急乘公退愜幽尋

一櫓閒抽展鴉軋涼波森木儘沿洄水曲城隅隨點察  
懷人慕古意殷勤爰召工師事雕刮重簷周匝護丹青  
叢樹葱龍睨鳶鶻風景何殊古及今規模自度高且闕  
當年許簿賢主人氣味相投蘇與綬像設朱闌配食同  
駕駟乘虬互頑頡傳芭代舞巫降神妙譜新翻廢嘔嘶  
椒園自譜  
迎送神詞詩魂來往月梁明太白樓高市中拔任城有太  
白酒樓生  
前離困走已巫壽宮閑安愁自惹徵詩應向大雅羣顧  
我猶煩十行札小聲正慙蒙布鼓賸語還譏祭魚獺側  
聞詩柄屬斯翁乞靈端擬辨牲殺摳衣涓日拜階除泥  
凜不嫌馬蹄滑

新夏分賦齋中花草得虎耳花

葉茸垂虎耳英細錯顰牙正是初開日常如半謝花柔  
莖延瘦石嫩色染微霞地僻無名卉聊將鬪物華

石筍和王南邨秀才

形分嶰谷染蒼烟幾尺乖龍蛻骨堅笑煞清貧饒太守  
不將煮法問焦先

小園課藝禡花次元洲弟韻

棟花殿春風倏忽過九十芳園紅錦葆歷亂辭枝急聊  
復小裝綴英翹並羅及寬畦一掌平曉露土膏濕三尺  
鴉頭鋤奚僮便於執冗綠徧揆披小紅勤掇拾子尋黍  
粒微苗握苔花澁拂篠驅飛翮啟墖避幽蟄防加密竹  
護灌用長匏汲標奇各篆牌避萎還覆笠新苞含未吐

香氣先裊裊西齋午飯餘閑隨蝶影入生意來眼中方  
畦翠叢集毋忽一寸萌長身並人立

飲黃蔭三上舍宅再用前韵

自結同隊魚屈指歲二十落落朱弦音不輟風雨急三  
千里從遊十萬言互及氣類彼此投炎潤就燥濕迄今  
鬢各蒼依舊手同執朝來折簡招嘉蔬自採拾開挹甕  
頭春道我枯腸澁我方厭逢迎閉關甘守蟄味道爲夕  
餐攤書當晨汲荷君鄭重意出門整藤笠談深坐屢促  
酌密香頻裊箋飛銅漏催幕卷銀兔入當時文酒場東  
臯勝遊集眼中吾與汝再見赤幟立

庚戌辛亥之歲嘗與蔭  
三等十人結東臯詩社

登靈鷲峯三用前韵

疊石青盤盤危抵累九十萬竅剔玲瓏百籟吐淒急局  
步謹蟻緣妙境獲屨及林森見聞寂雲滃衣裳濕老木  
不藏根還與石持執山風落松子作隊飢猿拾神房鑿  
幽邃斧劈畫皺澁深穴敢倒闕想有老龍蟄流淙響地  
底萬古未經汲俯低時卧筇過隘每側笠襟多空翠染  
鼻有妙香裊靈境幻莫窮游踪奧難入遙冥曠已頽叢  
薄烟乍集長嘯遡歸途廻看矍父立

從辨利院遂峯上人乞方竹四用前韻

譜竹戴凱之表厥類六十方兄獨見遺顛倒置緩急寧  
師括竹萌佳種始收及謂言遭辰間聚族處卑濕孫枝  
厲廉隅折旋禮仍執破觚甘露師平泉費采拾豈嫌圭

角峻要令滑不澀兩師公案在分道比騰螫吾師意和  
會兩種備引汲左規而右矩方袍配圓笠相並骨幹殊  
相交烟雨裏我來飽與參多身定出入心空及弟子小  
園興大集火速遣人迎開籬我鶴立

艮山觀元大德土神廟碑五用前韻

環旋腰鼓城八面啟門十兼山值方位營壘備嚴急帳  
旁土礫基一簣肩可及周沿蔬圃寬曲抱沙洲濕吟徒  
偶牽邀探古手同執平林引閒步不假層級拾荒碑卧  
中斷苔土蒙垢澀劃肚忖銷殘捫爪剔封蟄識是元代  
祠軍民聚春汲歌舞奉社翁崇厦蓋天竺昭昭學錄文  
筆花粲可裒臺因雉堞餘圖經已失入真謂外邏山喧

然百妄集據實後可徵賴茲片石立

雉堞之餘築爲土臺碑有明文近志謂南山外邇又

云地脈近海所  
蟠結皆臆說也

### 題曹石倉處士遺墨六用前韻

東臯舊吟朋數同大歷十眼底半存亡歲事過羽急石  
倉兼畫荷品第神妙及當其快意時墨噴滿紙溼徐復  
小鈎鎖柄柄可把執趨艱刀謹奏得勢芥易拾意到筆  
未追妙處在枯澀迷茫烟雨濛菌蠢蟲蛇蟄嬾娟越溪  
施峭直漢廷汲斜朵曳風衣折枝摧雨笠咄嗟得之易  
孰爲襲緹裒片蹟今價高豪門購爭入展軸念前歡宿  
草感遙集三嘆概古今一長足樹立

### 咏松棚七用前韻

木架起幕金竹竿界作十左右位置宜高下捆束急檐  
頭數尺踰牆角四邊及樵山松粒新氣帶烟嵐濕密倣  
木天施豐勝羽繖執晴陽墮釵影滿地翠可拾風罇尙  
玲瓏席幔殊結澀披襟藉片陰坐卧便嬾蟄洒然心地  
涼味永清冷汲舉頭一樹平真成青黛笠幽想落巖扃  
珀香吹靜裏雲光繞座流濤聲閉門入措觴共小飲不  
讓林下集但愧揮鋤夫洒汗重足立

雨夜自江干歸八用前韻

元雲深墨凝伸指不見十江聲挾雨來麤點打頭急排  
戶闔漁村倉卒避無及驚魂荷葉喧觸面柳條濕橫風  
助洶湧輕傘不受執斜侵利如弩千夫飲決拾平達浩



流川脚趺淖蹇澀破空走長雷勇氣奮百蟄礮碑白電  
明辨路馳汲汲踉蹌到里門態可圖展笠衣袴猥淋漓  
鬚髮辱沾衰年來我倦遊鄉邦簡出入胡復見漂零經  
此百困集世路詎可量不語燈畔立

塘棲大善寺

苔荒石礎剥遺塵古栢猶傳不壞身落日嘯風兼嘯雨  
替他龍象泣天人

春去林梢薄靄分一重波外翠氤氲閑心共佛跏趺坐  
盡日門開向白雲

螢

小影畱叢草低飛映碧潭風前流未定簾畔巧相探情

性誰能識光輝爾自含滄江愁白髮相照亦何堪

曉登吳山見炊烟四起用韓昌黎望秋韻

臨安烟火十萬井刻連方罨排文函胥山一覽了在目  
高低勢挹山嶽巉閑蹤破曉萬景寂但餘嵐翠沾秋衫  
沉沉粥鼓響初動一爨首舉千尾銜東西南北爭擁起  
漫作一片雲糊緘沓波掀天互洄洑平蕪葢野難耘芟  
紫陽仙峯頓失勢排空自結玲瓏巖樓臺市肆黯古畫  
不假妖蜃嘘腥鹹江江人語隔重幕蠅鳴下界同謁謫  
我憑長空亦吐氣曠達那復憂譏讒興酣欲乘此盤礴  
輔翼造化施雕劖方員隨樣次第設安排位勢相臨監  
只恐黑深藏雄怪騰蛇涌出逞獍嚙靈祠咫尺走可問

欲攬孟郊通微誠回頭漲膩漸消釋遠近竹樹縈筍摻  
烏鎮

斷岸烟昏繫淺舸北風枯荻響颼颼吳兵列柵萑蒲靖  
梁寺遺碑鼉肩高舊蹟漫傳烏重胤遺編還憶沈東臯  
宋沈東臯平著  
烏青記四卷道旁津堠應嘲我來往川途不憚勞

吳江聞榜歌

敲舷鼓隴胡高唱別離曲邨顧曲中人垂虹亭下宿

晚過常州

孤榜去不息沙禽飛自由牙城隨棹轉水驛帶天浮暮  
色來千里荒烟冒一邱永懷君子墓遠浦樹修修

丹陽

寒烟渺渺接南徐，形勝猶分故國餘。  
岸口人家皆種柳，船中客饌每供魚。  
鷗沙清況愁先遣，萍梗浮蹤計已疎。  
宛轉回腸忽關聽，羈孤聲在獨輪車。

### 渡江

蒜山抵瓜步，二十里水面寒緊。  
風勢雄，舟輕帆脚顫。  
長年祝私語，舉酒臨波奠。  
羣力一時并，分勞及弱眷。  
心手各嫻習，一發勁羽箭。  
恰如并州刀，橫斷白匹練。  
船底雷鼓鳴，船頭電鏃濺。  
高峙浮雲亭，瞬息不復見。  
收江得彼岸，衆力乃知倦。  
却望所來處，蒼烟一片。

順河集曉寒占示蘇二堤藍圃周巨川汪瑋臣

### 四孝廉

四更月落天宇蒼  
燃燈出門登車箱  
雙輪轉轉身簌糠  
尖風如鏃草沒霜  
蒙頭瑟縮學蝟藏  
酸嘶鐵鐸聲郎當  
僕夫擲鞭馬卻韁  
大河浩蕩愁無梁  
下車欲墮兩足僵  
毛裘無功冷入腸  
黃道惹白光東方  
須睂稍識蘇周汪  
凌兢一一蹲枯楊  
涕唾凝沫弱若尪  
顛動唇齒言難詳  
諸君下幃清閼堂  
關河辛苦安能嘗  
裂膚折指旃裘鄉  
煖無圍爐饑無漿  
仰天太息哀歌長  
利名驅迫苦未央  
旣以諗君還自傷

口號

漸遠江南漸入齊  
鞭梢頻拂馬頻嘶  
征鞭祇速離鄉遠  
何事怱怱趣馬蹄

東阿魚山望曹子建讀書臺

讀書我無因發榻走塵埃伊人畱勝蹤一角起遐想山  
高日易斜林樾互蒼莽稍待鈴馱稀來聽梵唄響

法苑珠林陳思

王遊魚山聞空中梵天之響摹其聲節撰文製音傳爲後式

道中雜感

凍色壓峯峭天欲釀初雪旭日又騰空烟景淡施設馬  
蹄霜一寸曉程寒更切餓鴟叫遠荒驚颺殺窮節旗亭  
歷十五裘帽冷於鐵客子抱遐心愁腸自斂結回首連  
山遮放眼老樹列故鄉渺何方浮雲千里絕

哀雁鳴嗷嗷水闊稻梁少天心偶降割三鬴不得飽榆  
皮入釜炊蓬子當道掃同類豈無情我曩苦易倒惶惶

涸轍窮升斗引宜早忍視寧馨兒轉作肆中薨權宜河  
內使古事今孰考扳轅人一錢有惠詎嫌小

房舍客填集遲來宿無次投車荒涼邨壞屋罕籬蔽年  
饑流冗多縣遠奸宄熾荷此主人戒跼影心自悸炕冷  
况難卧力倦尚無寐征鴻叫通宵寒燈耿一穗荏擷馬  
齕其恍驚怪雨至多謝鷄三號搏桑催攬轡

籠僮漏鼓絕驛駱車馬驅往來不相識貿貿誰與娛黃  
塵大野闊岐路各自趨楸楊無遠近埽天交帚枯蓬科  
振空起不得少踟躕我往匪寧軌彼來豈坦途洪河多  
顛隤折坂猶崎嶇長達喟然歎兼此歲月徂

百里人烟稀荒荒但平野林隅帶數家老屋傍古社壘

鑿何假柱茨苗未識瓦有老鳩其形壯者冰兩蹠元宰  
職區分偏心任豐寡魏唐循儉嗇鄭衛習淫冶江南富  
麗場視此直土苴中夏猶若茲自慶天所嘏

蓬埽塵土間日出復日沒單車播兩輪輾輾幾時歇人  
生被飢驅焉得惜筋骨天公未方便捲地北風發羸馬  
屢倒旋驚沙競前突正綏戒僕夫跬步有顛蹶風急語  
轉訛垢蒙顏自駭超然一圭山崇朝青元元

山東民方告饑賑粟已下恭志

轉斛連飛竹虎符癰瘕一夕起歡呼共欽 四目明無  
外點筆無勞鄭俠圖

答易少府見贈



長沙易慶之墨妙並徐熙家學會無忝他才更絕奇風  
塵豪氣振萍水俠肝披翹首承明下寧令一技知

無不宜齋未定橐

卷四

仁和翟灝晴江

糊室

十字編稌秭雙層拓繭箋輝開屏六摺塵斷屋三椽抹  
粉辭江蜃連衣效壁蠶油窻花影密虛室貝光鮮目眩  
樓成玉宵明窟擬璿開爐防雪化掃榻詫雲眠敗堵周  
藏拙寒風頓失權潔勝香氎布煖敵紫茸氈戶有綿簾  
設床還紙帳懸贅疣除畫幃點污卻春聯啟竇仍通月  
張鐙莫惹烟憑咄賣餅俗不怕潤梅天帙整籤相映茅  
疎屋未穿土風循儉素吾計得安便塞向隨狸蟄攤書  
共蠹研詩成防自疥休逞醉中顛

無不宜齋

卷四

斜街岳氏園亭

鶯子勾圓細路蟠風亭露榭繞迴闌種花已及三年長  
疊石尤宜四面看雪壁任題詩漫與風簾誰共客畱歡  
寸金價重排廬地恁得閑園十畝寬

江聲草堂圖爲金江聲觀察題

噪蟬那說林逾靜伐木奚云山更幽獨坐草堂傾兩耳  
方知兩語不虛浮

枚叔雷行狀最工弢農鼓作意毋同硃劄舉濡諸奇字  
好向齋垣寫一通

送朱飭亭進士試用河南

我生結習等夷隘白眼任從時俗怪多君風骨更廉棱

氣類似投珀引芥望衡對宇半年住低頭日作東野拜  
竭來捧檄河陽去滿縣繁花續佳話潔清自凜官守嚴  
素行奚煩書座戒韋弦取佩獨丁寧璇玉方員異流派  
草野尙能容倨侮冠裳未許任孤介董宣項強雖蒙賞  
陶潛腰折敢言憊偏弊曾教少挽移風節何嘗輕墮壞  
我躬自蹈未遑閱淄岸桃符憐土塊爲望好多求轉刻  
不量辭費逞惟快他時若纂理縣譜肯以芻蕘存未載

拈花寺訪二憨上人

過橋先見塙隔市遠停車初地塵分界三門樹列衙鏡  
平功德水香散鉢羅花欲問興增事豐碑立未斜  
勝國遺規遠慈宮啟信堅已來波譯像旋廣梵王筵龍

象超諸相香燈沿四天多承

新雨露釐祝敢忘虔

明萬

歷九年孝定太后建寺名千佛有朝鮮貢尊  
天阿羅漢銅像 國朝雍正間改 賜今額

結坐茅圓穩松陰漸轉階眼清十笏地心赴八關齋分  
饌伊蒲設題詩貝葉指憑公窺海藏瓶注愜幽懷  
款接不言倦深甌添夜茶析聲羣動息旛影一燈斜坐  
促交談塵心清遠睡蛇未須商卧具曉鼓佛樓撾

喜汪西顥至都分韻得小字

秋氣澹虛牖端居念悄悄重來京雒游舊事倏已杳出  
門寡朋歡杜足意非矯谷音聞趫然清愁脫如掃翦蔬  
話綢繆刺刺不自了涼襟風幔搖密坐花叢繞聚散本  
搏沙光陰復過鳥當茲適意場飲戶莫辭小從前結隊

人今夕在多少

新秋集唐句

報秋涼漸至緣事發悲端鴻雁幾時到江山此夜寒微  
霜初結露風意欲摧蘭零落從茲始羈人殊未安

俞臯亭通守惠滄酒中路爲人要去

少小厭從酒三爵不自過近交燕市徒飲戶亦稍大燕  
中名醖重金瀾薏苡葡萄各傳播軼倫未若麻姑城依  
合仙方漬純稷清醇宜號顧建康耐久何殊劉白墮故  
人治郡得酒泉肯給壺觴慰寒餓貧廚荒齏過三冬喜  
動杯觴拂塵堞一時方食又駢來知味宜呼小酌佐九  
鑿長腰軟橐盛二寸纖鱗重筍裹

高淳夫惠玉田米戴  
建行惠寶坻銀魚

燒燈

正擬治春盤食指頻搖口垂唾何來大力鬼負去傾倒  
自作甕間卧參醉未妨排闥入小竊亦恕鈐泥破白波  
捲盡太傷廉餘瀝不教衫袖浣我若公榮可不飲故人  
遠意失無那百花成蜜爲誰甜玉局翁詩閑笑和

雪

比珠比玉摠嫌非道絮稱鹽語亦違四萬八千修月戶  
斧斤餘梯滿空飛

和邵霽川立人陸古修三庶常咏旛燈韻

赤幟彤幢比孰勝禪關照徹九微燈燭龍有耀垂虛掛  
火樹無枝拔地興鷄烏七星聯絳氣扶桑十日繫金繩  
光明止說瞿曇相仗衛今看寶燄騰

奴人買雜花栽庭下

得錢不買酒買花買花不必盡可嘉但得有花皆買取  
今日三株明日五小紅嫩綠半無名種法何知種樹經  
緣坡傍砌亂排拶灑水封泥本本活天時早晚次第開  
便有蜂蝶紛紛來閑堦爛然春一國奴人奴人殊不劣  
寓齋鄰樹足供朝夕玩賞遂以嘉樹顏所居柯  
南墀孝廉善之同賦十韻

畸人擇所棲達士隨其遇偶比三宿桑難待十年樹城  
南舊客寮林木饒古趣高顛出重垣繚枝遠敷布不費  
買鄰錢我獲東家住餘翠隔簷分落影當窻赴涼風對  
散髮靜月愜良晤乃知假物用在在理流露劃然人我



無不宜齊  
分坐爲欣戚誤不見種樹人息陰幾朝暮

與毛睿中論曲

詞曲雖小道淵源樂府歌不藉解聲律詩節無由和古  
調歛聞惟天上唐宋詩章亦絕唱優場莫賤靡靡音歌  
法今傳此猶尚七均高下度短長酒邊觸興聲淋浪低  
眉宛轉自疊拍娥月飛窺簾幙光閒中往往發心悟因  
筌得魚蹄得兔遺風遞失遞相因下水船當逆流滂談  
書不達喻俗情攷器難狀舉今名從來遠近理一貫高  
論不顧庸耳驚

有答

男兒原是可憐蟲那得人皆足穀翁造物爲予畱位置

平生如我算中通風塵千里身猶健  
藜藿終年益未空  
莫勸別圖安飽會由來馬耳逆東風

### 金魚池

柳影積池心落痕暈池面鱗鱗繡尾魚沉冥不可見  
淹沿去仍畱志豈在投線扁舟五湖心清夢繞芳甸  
難得全塊中闢此秋一片池上占偏居誰家涼葉院

### 周元木萬循初周心羅見訪感賦

杜跡何心驥尾牽蓬門常可雀羅懸連裾不速來同隊  
異地相思閱幾年六月長風君尚息一身涸轍我誰憐  
悲歌舊是荆高侶肯念屠沽到市廛

天涯促聚論誰賓貧賤交游最率真借酒開襟時偶得

到門投刺俗難循中年絲竹閑陶寫往事輪梭嬾具陳  
聞說著書編滿篋眼前俱是素心人

高淳夫明府寓寮觀李伯時九歌圖

森容孺態呼欲起烟幢蜃蠃雲車駛晴窗開展毛骨寒  
元氣淋漓透冰紙名人幾見真蹟傳神工況屬李龍眠  
吾儕及此豁塵目未入豪家應偶然豪家置此意可悉  
國殤山鬼語不吉不然也向高閣投禁秘人間那復出

風人詩并序

先庚後甲肇自羲經北斗南箕播諸周雅卽同音以  
通異字用他意以申此情齊梁演子夜之歌皮陸著  
風人之號乖訛自習未妨十石真針假借無端不辨

車輶月旦今之委巷時有斯談例旣從乎古先辭詎  
嫌其穢鄙旅中却事酒後關情掇拾成謠聊啟清冰  
之齒比方儲藥不捐敗鼓之皮

麻布染乾紅人人道色濃雞籠錦被蓋外好裡頭空  
霧失芙蓉影何從得見蓮牆頭藝蔥薤端的爲無緣  
瓶落甕間碎恁管豐到底豆乳束麻繩教儂提不起  
打狗拋羊骨有去便無回半天擲骰子卽定得么來  
竹籃打井水輾轉成空幻梔竿被火焚贏得好長炭  
啞子喫黃連含苦不能說蜻蜓飛上籬得歇且暫歇  
月下攜燈去由來虛挂明譙樓棲雀穩經慣不心驚  
潘女嫁潘郎左右是拚却黃蘗下彈琴苦中且作樂

除夕前一日汪西顥張曦亮兩徵士萬循初孝廉集寓齋以山畱待伴雪春禁隔年花分韻得畱伴二字

長安居不易況廼歲事投桂玉十萬家太半朝夕謀天  
翁福我輩卒歲還優游寂寞文字飲佳人隨意畱雪凍  
燈色耿天肅霜氣浮深杯互酬勸力敵千狐裘人生尚  
知足富貴焉可求酣歌達此夕且莫聽更籌

轉念二三子不久置閒散圭璋副特達渠祿藉宏筭

時

亮以經學舉循初  
董修續文獻通考

束髮憂面墻我挾蠹魚伴嘗欖未知甘穿

茵但成爛當前大小巫陡覺意氣短幸茲臭味同一樽

話懇欵雲泥轉瞬分燕楚逐蓬斷

西顥將  
之楚

莫貽後日嗟有

酒不辭滿

萬循初創爲十言體賦市隱篇見投卽用其韻

奉酬

正義云詩不見九字十字摯虞流別論謂詩有九言若  
洄酌彼行潦挹彼注兹是卽長河九曲之星宿源厥後  
宋孝武造辭祀白帝按以異金奇數排比連犴更益於  
此古今人不敢道盧音懈緩調詰屈辭蕪繁向偶誦風  
詩見有八字句我床下入蟋蟀與庭懸貍妄於七字外  
鋪牽成變格句法生澁徒惱亂人心魂不意鴛湖萬子  
有嗜痂癖謂此格新創可屬同調翻別去歲換各稱歲  
苦馳驚未暇與陶泓毛穎相溫存昨簷頭鶯栗吹出滿

天雪草堂外泥深一尺斷行軒閉門蜩縮命杯酒且獨  
酌念我酒伴恐高卧同僵袁忽聞剥啄有小奚衝雪至  
開筒出市隱什令懸市垣市中客對之暗若箝在口直  
疑其體摹絳州刺史樊子反覆尋讀恍見十層塏超七  
級九級卑凡聳慈恩慈恩寺塏十層雞卵十枚累錢真神妙技蓮  
花十丈出井無雕飾痕旣明珠貫穿纍纍以落落復長  
虹騰吐矯矯以蜿蜿調愈出愈奇愈難而愈勝八百里  
駁遂甘遜千里驥或言長句闌緩不協金石意將斲仙  
鶴脰以齊鳬鴛筆隨意到何增減一分得槩可與鋪辭  
足數同例論君不見昌黎利劍語兀突又不見謫仙飛  
龍誦軒轅二詩皆有十字句必舉三百篇以繩千載士古今體輾

轉變化何多門漢後惟韋孟諷諫爲合作河梁栢梁俱  
分道開雄藩朝華披貴啟夕秀於未振曲禮毋雷同之  
教宜徵援數極於十不至此爲不備古先民特畱此缺  
徯來昆今炳炳朗朗文治邁三古大塊藏成全發洩無  
蒙屯予未有郭恕先畫纚車筆一夜強和對閃閃寒燈  
昏朝來炙研欲寫寄西街去正雪窻明淨屋角回春暄

嘲賀歲客

見面稀疎室轉遐強隨賀燕綴春華一年一度情難已  
暫到尋常百姓家

養心殿製煖硯和梁元穎孝廉

端雲一片裁礚匝銅隄釦束借成匣員池下洞井源寬



暗竄旁疏春氣洽何處溫泉細意通博山山腹涵玲瓏  
生成硯北殊移就兩器廻連一范融玉堂新樣重傳世  
自煖常燃羞銜異枝房隱脈氣周流會心應出觀雞寺  
今地坑之制造自土垠縣觀雞寺中見水經注生香外續水內溫墨花點染無涸痕頗  
議寒儒佳思短忍炙硯背如炙豚

### 柳花

靜壓簾櫳晝悄然閑階春影弄輕翾因風趁蝶如爭路  
驟煖和人共脫綿強住暫緣清露潤羣飛還引落花顛  
玉奴心事紛飄撇莫倚狂踪去遠天

### 題王我山舍人曉窓讀書圖

他人讀書讀在夜舍人讀書讀在早晨光炯朗旦氣清

讀書佳候非不曉發昀鼓動百事興萬斛黃塵肆膠擾  
舍人獨得掃除訣有分晨窓事搜討鴉隨殘宿散城頭  
露洗遙山踞林表琉璃六幅紙窓明雲母一甌粳粥飽  
此時散帙親聖賢我福不到成夢繞從來耄學然燭光  
端悔失晨由少小披君圖畫悄然思一日之計在寅卯

雨夜分賦得簷溜

小雨垂鶯管簷端響漸增虛堂雙戶鍵涼夜一燈凝餘  
點斷猶滴羈懷愁不勝明朝卷簾望階土碧盈層

卽景

雲氣遙來作暮陰水邊叉手獨微吟昏鴉萬點忽齊下  
秃樹一株成茂林

涼夜讀書

耿耿壁間燈統統街上鼓沈沈夜籟虛唧唧吟蛩苦我  
如失晨雞跼蹐退思補萬古日月輝皜耀懸策府不遣  
十篋陳有目但如瞽勿謂壯已非老力仍不努  
舉舉俗學子挾書工所要偶然值時蒙若若綬垂腰笑  
坐寒士羶指顧意氣驕攻書有捷境爾足投其遙請看  
渥洼姿一舉青雲超寒蟬嘶失時候蟲悲深宵

鷺鳩啁大鳥難與論是非喫詬求元珠仍以不得歸  
埴有自然元化宰其機重或鐘呂毀用之蠹螟飛舍學  
而從汝人人豈輕肥時還遂我志抱此朱弦希

讀書期有用抱道豈忘世口中易管樂開濟果何技顧

此八尺軀要有千古志面熱心煩紆我躬尙難企神山  
青巍嶷可望不可至一心驗區區干祿稍知愧

東便門外晚眺

轍跡斷微徑興高時獨行炊烟林外直牧笛水邊清路  
轉蓬沙關天低雲樹平杖藜回首處殘照不勝情

憫忠寺見史思明寶塔頌

開元孟賊安與史顯逆當陽乞陰祉導諛辱此石剗剔  
推倒應呼一牛曳誰歟調停獲瓦全數字點竄東都燕  
歲月乖訛文缺泐有目摩挲仍共識由來金石代相珍  
不惟其物惟其人賜名憫忠義安設要奠貞魂勵臣節  
一薰一蕕同器藏臭者自臭香者香君不見黃絹幼婦

一方石感激孤臣死泣血

謝疊山于憫忠寺見壁間曹娥碑感泣不食而死

大雪日偕孫龍光孝廉葉敬思吉士家曉江兄

圍爐分賦

客到寒無酒爐開晝掩扉香生黃獨火煖透木綿衣錦  
帳人行炙銀屏妓合圍吾儕獨清絕重疊玉箋飛

上元日琉璃廠觀百戲作俳體五十韻示同遊

諸子

春明官廠設十種造琉璃鴛瓦供無缺羊燈代亦宜東  
華遷舊市太乙奉佳時

燕都遊覽志燈市在東華門崇文街今在琉璃廠上元張燈始漢祀太乙見太平御覽

祥雪新開霽勞塵暫脫羈屢豐家給足百戲俗恬怡含

利工呈幻黎軒盡出奇喬人高續脰

見郭璞山海經註

立馬驟磨

旗見魏志甄皇后傳註

板繫千秋索毬裁八片皮演書宗黑子

宋藝流供奉有

李黑子善演史

弄鉢賽容兒

張祐有咏容兒弄鉢頭詩

天僑騰絙舞翩翾木熙

旋空掛跟肘距地擲腰肢勢仄懸梯透音繁縛角吹抱朴

子彌衡爲鼓吏搥鼙擊鼓縛角於柱口就吹之異聲並舉聞者不知其一人也今有打十不開者乃其遺意

連廂供耍令踏鼓

唱京詞瞽女商弦撥了童越器持胡涼紛假面神鬼醜

蒙魑馴獸看料虎奇蟲見疊龜

奇蟲見鹽鐵論

粵拳角觝社賣口

祝禱醫白索輪光曳烏銅倩影窺

借指西洋景

黃花雙牘並絳

樹兩歌岐

絳樹能一聲歌兩曲黃華雙管並下見姬姬記

燿燿揮丸劍亭亭累卵棋踰

鋒誇捷足筭骨証頑肌革冒通同拍

宣政雜錄靖康初民間以革冒竹鼓成節奏取其聲

似曰通侗部今唱道情所拍者是

冰膠滑漣馳郎當牽鮑老宛轉習優施立

幟分千道圍場判一規饒顏工眠姪險譚雜撓離吳市

無不宜齋橐

卷四

七

瞻西子揚州仰獻之

孟子疏西施至吳市觀者各輸金錢一文王獻之自論書云揚州一老母惠臣一餐作一字答之令

就市償近觀三錢遠觀二錢

未攜標下綵稍費杖頭貲油壁綠源出青驄

銜尾隨堵觀雲路合香襲綺叢毗星貨排屢積春書應

節貽鬧蛾攢繡纈風鷄引晴絲土穉鄜州樣唐花浙水

姿

晁說之鄜州排悶莫言無妙麗土穉動金門以鄜州田北造泥孩兒名天下也土穉烘花之法始於浙之馬塍

金絨挑鞦子紅

蠟綴椒枝素女圖礬絹文魚參碧瓷輝煌啣藥玉窠兀

詫糖獅鳥哢飴簫奏環鳴扇鼓移酒樓橫榜署茶社軟

帘欹蔬果均分局臺盤各有司婢豚陳厚膊籠餅蘸烏

飴禁鑰三衢緩歸鞭五夜遲竹聲交劈裂燈影又敷披

西漆南油彙星橋火樹蕤畫屏光凹凸像綵勢躑踞烟

火梨花散壺觴竹葉垂咿啞吟鳳曲磅礴響犀椎細瑣

書難徧嬰跼樂不支纏腰羞澁縮過眼任參差節物鄉  
情遠年光世路疲追尋優笑地點綴太平詩試舉同游  
客當筵定解頤

哀舊六章

并序

已巳秋來未滿二載疊聞訃書大雅云亡知交零落  
懷不能已爰賦六章

邵學博

名雋字開先仁和人己巳九月卒

邵君古賢人不意今世獲髫年侍嚴君天台秉木鐸山  
雨驟翻盆洪流盪城郭謹譁走僕僮指語登傑閣誓死  
牽母衣有足不獨託宿聞士林傳欲見屢廻錯長安人  
海中遂此平生約內景湛精瑩外貌鬱磅礴衣冠整暗



室情替不容著酉年戰棘闈筆硯偶連幕謂此甚鉅典  
承奉必以恪對越儼明廷旁觀愧且忤守道甘迂疎託  
迹轉寂寞世間猥巧場無地著公脚三年苜蓿齋一官  
候遼廓文曹未通籍真字廼膺爵烟幢導雲車蔽山奠  
靈魄念臺爲主賓石簣共嗚噓歸當南入越遙候令威

鶴

人言開先死爲蔽  
山神頗有所徵

毛孝廉

名元存字睿中錢塘人已巳十月卒

浙水稱三毛詞壇並超軼孝廉繼而起驥子絕倫匹德  
樞保粹和藝事騰蔚霧精數測周髀元音吹嶰律六書  
辨形聲穿貫斯與韻澶漫莊周言勃窣張憑窟靈田百  
巧叢獨拙迎時術公車困六上書空但咄咄屢膺節鉞

聘不受士師黜臯比坐堂皇青衿謹佔畢卓然五經師  
聲名動高秩南舟嘗荔支北轅觀趵突襖被忽從予光  
輝照蓬室銜杯吐肝腸倒簾示籤帙坐聽荒雞號言泉  
壅復出對榻月連三旅窻樂數一遠興落彭城孤踪復  
鳥疾聚散年未周郵聞語不吉姪姜泣素帷白髮倚蓬  
草阿宜復嬌小旅櫬返無日開囊玩遺書淚眼暗披拂  
元草無童鳥誰爲事刊述

張徵君

名煒字曦亮仁和人庚午七月卒

張君恥帖括文筆雄勗肩傾液會群言折衷截六際人  
嫌絕攀從轉說君傲睨班荆一言投風雨未予棄餘論  
借齒牙翦拂到闌闌兩年蛩駘依氣誼愈密緻  
熙朝

尚儒術徵書四方貴紛綸并大春不愧五經笥方看褒  
然舉抽帆去如翹臨發兩踟躕柳陰重執臂商量絕業  
傳師友切風義撼樹我何量商摘亦有意巍巍泰岱高  
肯讓土一簣秋風鼓長林蘭芝共凋瘁茫茫萬古愁忽  
帶雁足至學海竟忙洋失楫何可濟相如不及壽馮衍  
不及貴擁鼻事酸吟消此一掬淚

萬孝廉

名光泰字循初秀水人庚午八月卒

秀州多秀民孝廉殆其尤摘藻艷芳春落實懸清秋往  
年沽上住詩筒疊相郵蒹葭一水隔神交面未謀詩中  
若見之清骨風修修幸茲愜幽晤板屋東西頭高格鎮  
浮俗古懷超時流味甘惡如醴顧乃與我投陳函互談

討新篇勤唱酬書藏千仞岡人卧百尺樓膏明苦自煎  
肝腎傷雕鏤淒涼服鳥賦虹光黯然收荒齋寄薄櫬涼  
月蛩啾啾昨冬殘欲盡闐然來三侯君與曠亮西顙一燈圍瘦影  
斗酒開青眸率爾成佳會德星聚 皇州歡然四形影  
嗒焉兩松楸

戴處士

名清字問渠仁和人庚午十一月卒

弱齡慕名流所得有安道棲迹並城東乘興時謁造沙  
河環竹扉簷影鏡中倒花底靜鈔書鷗邊儼持釣脊骨  
清且嚴兀突竦霜鷁客來澹無言貧賤養成傲我時初  
學鳴泥土申蚓竅赳赳陟文壇造次角材妙往往望綸  
巾投戈拜牙纛列侯欽其名蓮幕枉佳名重違白髮親

欲往首仍掉賣文苦不給屢見薛侵竈酸吟七無詩無  
俚自訶誚廣元人周德清意爲詩七章澹定安天和辛苦全我孝高堂考

終命忼慷知己報一劍竟飄然孤踪海濱蹈契闊十五  
載鱗羽阻音耗席帽來吾徒未語鴉忽噪南天少微星  
哀烏失光耀寂寞東郭子風雅悲絕調鶴狝無遠唳琴  
碎有餘悼庶幾李仲元法言著名號余良山雜志載君生平大略

朱明府

名心學字劬亭錢唐人辛未正月卒

孔李舊通家之子尤我善三冬下重帷踪跡不易見居  
方閨雅謹出乃於莧健文場一戰霸鶚牘早膺薦年英  
氣猛銳才拔性孤狷交親情愈加箴切顏不變下問叩  
我囊鼠璞何可獻偶賞毫釐長相助弄筆硯挾策赴承

明百口競誇羨胡爲試小割看花洛陽縣俗吏本羞爲  
祿養慰微願賢勞自古然王事奔走先迎親共勦濟  
畢力返靈輅親以忠自娛子以孝自怨哀哀升斗邀幾  
得充藥膳誣諉由一官不如永貧賤一號腸摧輪再號  
肝裂片經年苦著膚永夕淚洗面毀瘠禮未任至性不  
可勸終以哀慕死純音播畿甸循良孝行傳欽子一人  
擅

### 瓜子

初窺玳瑁影斑斕細認南金瑣屑攢脫口乍同蔬甲破  
出膚還作瓠犀看頻分小令拳鈎弋未嘆衰年齒缺殘  
佳種莫教饕餮盡明朝再嚼水晶寒

周心羅解元惠赤刀筆

中山老兔中書選蒙將軍始傳分明棗心栗尾束縛巧  
象牙麟角裝衍精或青或白或五色粲論各各隨花生  
何來管城倍光價顏如渥丹魚尾赭赤心紀事義有取  
豈徒文采矜華榮其尖如錐利如劍審象直惟文庫兵  
謚曰赤刀著深刻寶貴遂與球圖并我聞彤管職女史  
又聞丹筆正祥刑一雙日並隄麋賜官儀復載東西京  
有明尙方仿古製元默困敦紀所成管刻壬子年製小印文工名未  
見勒蔡澡產地不貴來宣城燕都宏規勝國建其間五  
度辛壬更米脂賊至逢壞劫九藏珍費歸軍營棄此稿  
竹不掘載得畱故府全清貞昭回文治覩今日朝宁

翔翥名公卿尙書郎挾紫囊裏侍御史歛緋袍擎君有  
言動鐵筆紀臣有註誤霜鋒爭君明臣良庶事舉拜手  
稽首颺言廢赤刀赤刀如此用庶幾有實非徒名公今  
蕊榜先一鳴脫囊已出頭崢嶸玉堂薇省咫尺路合珥  
此筆趨 皇闕脫手贈我殊不稱塗鴉屈蚓空縱橫攜  
歸寓舍窻几窄瓦池竈墨交惶驚跛奚喚作赤龍小家  
老愛把珊瑚輕善刀而藏俟時用緹襲不許人窺窺答  
詩仍遣草根筆神氣正盡疲搪撐

題周心羅袖手圖

湘東一目項重瞳較量輸羸一霎空往事分明枰上見  
岸然脫頂灑松風



懷孫龍光舟中

炎晝易生煩復此散儔侶塞簾望雲峰蟬聲赤日午閱  
景緬遐程低篷氣蒸金料子歸心催有柳不停艣

偕舟得二妙

謂右皋  
舜聲

歸路幸不寂共吐冰雪文坐把炎歎

敵一驛又一城家山青漸覲亦念滯畱人天涯仍踢壁

積雨聯句

癡雲壓沉昏天漏不可補晴江六街浩流川九旬失乾  
土朱家濂性之出門愁敝車入室畏陟堵晴江碎訇輦  
鼓喧蓼擾蛟龍舞性之一瀉勢謂竭再作力猶努晴江  
陰暄罨林巒飄蕭犯棟宇性之長牽不布陣密織難分  
縷晴江踰鳥睨欲出隊馬奔復聚性之有如杞梁妻善

哭只悽苦晴江又如劉元石一醉竟頽俯性之天時夏  
秋變地氣南北迕晴江涼思御綿袷濕訝濱斥鹵性之  
衣黧索芸薰屋漏借罌甌晴江方懼竈產蛙已見苔侵  
釜性之據壁恣蝸牛攢甕悻蝸虎晴江良禾慮飄沒比  
室嗟罄窶性之瀟瀟催鄰雞滴滴間譙鼓晴江羈人每  
善懷靜夜益增懽性之昨來雙鯉函江鄉旱無雨晴江  
龜背坼新田編頭膠淺浦性之圓靈千里共澤貴崇朝  
溥盍以此所贏資彼嗇者取晴江驅雷過長江撥雲至  
陽鵬雨暘迺時若到處實倉庾性之聯辭抵封章願附  
青冥羽晴江

出廣寧門

磨牛來往跡頻存攀折南枝柳欲髡

陳文樹詩廣寧門外柳折盡向南枝

繾綣

可憐因客久得歸翻黯別離魂

琉璃河橋倚一鐵竿疑是鎮壓之物

晴波耀遠渚淨滑琉璃窗登登白石齊雁齒排平砥停  
車俯蒹藻繫馬尋株椿扶闌見窾兀精鐵鎔天杠黑龍  
掉其尾潛首深流瀧芒兼五色射質廢千夫扛居人信  
俚耳大言驚愚憊謂昔王子明微時理解艘刺水不用  
竹持此爲撐擬傳會鐵鎗名口香眩家邦嘗聞金鐵性  
能使蛟龍降吾鄉錢武肅鑄鐵錢唐江至今江上浦來  
往呼鐵幢斯言可徵信斯物正等雙聖水弭流溢

水經聖水出上

谷晉汝登曰卽琉璃河也

永世恬耕糴奈何昧其功述古憑私腔寄語

圖經家秉筆掃雜咙

過白溝河

往聞遼晉界擘劃此河流沉鐵餘耕垓哀笳動戍樓柳  
陰看浴馬烟際認飛舟國事頻棋奕何傷十六州

景州

一十三級塼影浮遠霧出沒崇城頭客子往來眼熟識  
僕夫指說言謬悠俗說景州塼爲塔王天下塼皆朝之書聲想誦廣川里履蹟  
欲尋無棣溝榆葉亂飄蓬草斷斜陽一片使人愁

魯連村

行行碣城言念魯連子黃塵蔽空霄滔滔大河水古  
人裕謀畫談笑折雄侈功成不受爵東海蹈遐趾富貴

詎不榮身詘氣先靡高鴻無所求功名乃奇偉

平原道中

終朝拳足卧車箱不計來程幾許長滿把菊枝撩客眼  
故園今日是重陽

自齊河赴長清橋斷不得渡

冶鐵鐸錮白石牢輿梁百丈浮洪濠趨功當日何賢勞  
波神搏轡揚蜺旄忽然摘觸怒氣號快劍生斫斷靈鼇  
東西兩截拔地高中流隕石填嶮嶮康逵九達橫白滔  
往來欲渡愁無舠吁嗟波神胡不仁狂動不顧民力湮  
秋來水肅徒涉辛重煩長吏縈心神爾廁獄瀆職視臣  
敢以桀鰲困萬民爾能壞之爾能新速麾蛟龍來梁津

今朝先放風日循一航送我渡河湄

開山廟

陂陀滑無轍亂礫堆隆窞僕夫整綏睨未歷先愁嗟掀  
轟敞棧軫犖确盤蛻蛇向回路轉隘巉石如排衙一綫  
五丁力皴紋被稠麻催鞭度礧匝挂轉憂來車

崗山

北山例鉗髡茲谷極蔥蒨瘦榦突雲房交根絡石面陡  
空立怪峯鑿壁開飛殿古像兀虛光危階直懸線當門  
虎豹雄靈狀咄百變淩兢阻復前望望不知倦

泰安道中望岱

高人愛山只愛幽我獨愛其奇偉磊落爲雄曾九方岳

鎮首所契展齒不及行且休今年北道返車轍東渡五  
汶臨青州雙瞳有福岱宗覲千里不斷空烟浮陰陽齊  
魯明布列控會云亭走渤碣仙都縹緲白雲封祖道豐  
隆蒼水節濁河一線脚下流橫坤兩戒腰間截青皇宮  
闕此山中上有葱蘢青氣結孕靈毓秀幾含包其餘不  
覺崕嶮高帝出乎震大易語圭壁旒冕尊絳霄雨氣寸  
合萬里沛神光四燭千靈朝聞之援神契天孫職是人  
魂招逕欲往擇洞天福地處乘鸞駕鹿長遊遨又聞管  
子書七十二代金泥玉檢封峒嶢當今功成洽九寓  
冀觀盛禮從雞翹未知二事遂我願一鞭直上窮日觀  
拍肩喚起安期生五十餘盤游汗漫

黃河

河水驚天落洄洄萬古聲低檐埋埽岬濁浪過山城息壤填何止高旣建易傾萍蹤飄歷憤忽動杞人情

晚眺名伯湖

千頃滄波千里船暮光遙睇蔚生烟高林漏月如畫地遠渚浮雲儘學天一雁橫空搖過艣幾家帶柳綴平川浩歌此夕逢清曠擊汰中流自鼓舷

過揚州

白社紅橋事幾更繁華未歇廣陵城珠簾不捲冥冥雨一夜夢中弦管聲

爲葉敬思題意園圖



一分屋二分水其餘七分皆竹矣修蛇一徑屈曲蟠仰  
見翔空萬鸞尾問君開築在何鄉渭水淇園母乃是不  
然居處共江邨我昔何爲未窺此葉君笑指無何鄉宿  
與篁兄訂生死貧家不辨買山錢青眼惟憑看畫紙封  
君千畝纔足豪高士一園誰爲侈龕將官事了前局解  
組歸謀未晚耳請君高論稍卑之十畝之間斯可已平  
坡曲磽因地宜茆舍枳籬隨意起卽看來耳及雲仍省  
口三年萬竿倚憂風嘯雨伴宵吟停雪遮炎令公喜中  
間要讓數弓寬我縛椶毛一亭子

泊洛社

日落停橈古渡邊蓬窗愁漲滿溪烟夜來一枕瀟瀟雨

我與白鷗同不眠

支硎山

盤厓蓄精鋌載道擁犖嵒摩空大斧揮頂觸斷無角瘦  
影骨支離裂痕面剝剝想得大癡翁皴法於此學

千尺雪

歎雲白淙雨落落下珠梯山膚久衝滌苔滑無寸泥濺  
沫灑回風坐久寒淒淒何人冰雪懷得此遂幽棲

法螺菴

黛色聳洪螺剝中殼將透雲窩滴幽泉沮洳尚涎溜盤  
旋到上方著頂巧層構裂石階下梅蹇身同佛瘦

范墳

一蓋倚堂封排空石林盛左右青蓮花光輝互標映森然圭笏陳萬狀同一敬納誨立朝端嚴嚴想文正

吳江

垂虹亭畔月暫照木蘭船秋老蓴鱸國霜寒橘柚天鶩飛烟路濶人靜水花鮮緬想三高士披吟笠澤編

經南湖不及登烟雨樓

管說嘉興烟雨樓雨濛烟暗迴生愁西風不許停孤棹急趁蒲帆過葦洲

海鹽觀海

軒然揚大波移影落天外元氣動洪濛靈物雜光怪浩蕩東南傾納約河江匯大哉海上觀眼力苦難邁尚羨

邊草蒨葑心淵咫尺洞谿開寸擁土堀礪元洲叢祠飮  
蚶壟灌木行薺菜傅霖皴皴廢千家花竹混一概晴江  
樓高眺欲迷野曠行屢息心淵風遞樵歌聞鳥去僧鼓  
搗元洲遷延宛相隨鎮坐似有待傅霖邨回暫爾失林  
缺儼然在晴江籬下認南山馬首疑東岱心淵函關氣  
共佳蓬島勢同閔元洲攜屐畏巉巖採藥阻蕪萊傅霖  
地迴隔人烟天遙興旅嘅晴江懷人意綿邈送客心煩  
憤心淵目隨流水盡神逐奔猿駭元洲搔首起長吟此  
景特可愛傅霖